

www.BibleForChildren.org

Génesis 3



Ascashu nan Eva nantifi manifotiton
aton shuni. Aton uhua cuscara.
Ascacun Adán ahuin anuni “Evaran,”
huani.




Nan nocon Ifo Diosin nantifi yoinafo
oni huani. Ronofin fasi
fuparamitsamisicoin iniquin. Rato yoina
a cuscaranma. Nan rono ainfoqui oshon
yocani. —¿Iconmun, “Nantifi fimi mau
mamaquinoa man pitiomaran,” ishon
Diosin mato yoiamun? —ishon yocaiton.



Nan ainfoan cumani,
—Nonfin nantifi fimi
pitiroquin. Ascafia,
“Nan mau nushmancayan
nia futsa piyamafain manricai mutiroma.
Nan muashu man natiroran,” ishon Diosin
noco yoiaran, —ishon Eva yoini.



Ascaiton ronon
afanan Eva cumani,
—Ma. Na fimi
piashucaico man
natiocufi. Tsoatsi fimi piashu namiscun.
Diosifin tapiaquin min na fimi pishon
ahuamamishti min tapitiro. Ascashu nan
Diosi cuscaracoin min
itiroquin. Ahuara shara
tapifain chacari min
tapitiroquin, —ishon ronon
yoiaiton.




Nicaquin foisquin oian fimi
sharashtacoin ini. Ascashon ahuun
nomuran shinanquin, —Na fimi pishon
raca ahuara sharafo onanmisi un
itirocati, —ishon shinanni. Ascashon
fiitan pishon funu
nanno oinaino
arifi pimani.



Asca huatan onanriscatanifo. Nantia
shinanriscatanifo chitoriacashon.
Ascashon ihui higuera ahuan pui
cuonti huashon sahuunifo.






Ascaiton nocon

Ifo Diosin cunaquin, —¿Adan,
ahuuscai min uqui onupaimun? —huaiton.

Adán cumani, —Min oaiton nicain un ratui onua ua
mian chitoria ointiroran, —ishon cumani.






Ascaiton nocon
Ifo Diosin yocani, —¿Tsoan mia
yoiamun min chitoria? ¿Man manmun na
fimi pia? Naan piyamaquin un mato huafia,
—ishon yoiaiton.



—Munfin piaquin. Nan na ainfo mian inantofin
ua aaquinaqui, —huaiton. Ascaiton nocon Ifo
Diosin ainfo yoiquin isca huani,
—¿Ahuuscaquimun min piaquin? —huaiton.
—Nan ronon ua paraitofin un acaquin,
—huani.





Ascashon nocon Ifo Diosin Adán
yafi Eva nan mau Edén anoshon
mai futsa nichini anoshon mau
huanon.





Ascashon Diosin ahuun oinmati nichini
nan mau Edén anoashu chi
sanacufainon nopu cuscaran.
Afanan tsoa Edén muran
iquinonma nan fimi
piashu nipatiro
pinonfoma.



Ascano nan nocofunu Adán ahuinin Eva facu nanuqui tau huani. Ascashu furonanfacu cainni. Caíncun anuni, “Caínran,” huani. Ascashon Evapan yoini, —Natian un furonanfacuya. Nocon Ifoan ua inanran, —ishon yoini.




Ascan afanan chipo facu nanuni. Naan caincuri anuni,
Abel. Naan Caín ahuun ushto. Nan Abel
pushcohuaitian chashoanfo cushumisi ini. Ascan ahuun
ochi Caín mau yonomisi ini.




Chipori iyoa Caín nan yonofu fana cuscan nocon Ifo Diosi inanni. Nantiari Abel ahuun chashoan facu cain taua sharashtacoin nocon Ifo inanni. Ascashon Abel inan cuscan oin nocon Ifo Diosin aqui unimacoinni. Ascafia Caín inan cuscan oincai Ifon Diosin aqui unimanima. Ascaino Caín fasi sinaquin ahuun fuso fuchopi huaqui


futsani.



Ascano Caín chipo ahuun ushto Abel yoini, —Non mau ano canon, —huani. Ascashu Abel iyoa Caín fu mau ano cacun iyoaton coshaqui futsaquin rutuni.



Nantia nocon Ifo Diosin Caín yocani, —¿Caín, ranimun ushto? —huaiton. —Utsan. ¿Unmun uhuun ushto cushumisi? —ishon cumani. Ascashu Caín nocon Ifo anoashu cani. Mai futsa ano noconi ahuun anu Nod. Nan mau Edén fari oaiquiri Nod ini.



Ascano Adán chipo afanan ahuin Eva futan facu ani.
Nan Abel ahuun shocun. Nanrifi caian furonanfacu ini.
Ascan Evapan yoini, Caín uhuun facu Abel
man rutuniano uncai natian afanan facu yama.
Ascafia natian Diosin ua facu futsa inan.



Ascacun unanuquin Sethuairan, ishonyoini. Set cainni cachori chipo Adán ahuun furufo yafi ainfacufo cainni. Set cainnitian yafi ahuun facu futsafo chipo acatian Adán ochocientos farin niyopaoni. Ascan nantifi Adán ahuun fari novecientos treinta fariashu nani.



Ascaifoan nocon Ifo Diosin oinpaoni yorafo fasi
chacacoinfocun. Nanfoan aton nomuranshon
shinainfo cusca yafi afi apaiyai cuscari
chaca fustisi huapaonifo. Ascashon
nocon Ifo Diosin yoiqui isca huani,
—¡Ohuashta!



Un yorafo oni huafian man chaca
huaifohuunshon uhuun nomuran un
isincoin mui. Ascacun nantifi yorafo
mai ano icafo un ato cuyocoin.



Nantifi yorafo cuyofain yoinafo cuyofain yoina
naman sharaifori cuyofain puiyafori un
cuyoshquiran, —ishon nocon Ifo
Diosin yoini.



Ascashiashon nocon Ifo Diosin Noé oian nocofunu
shara ini. Ascano Noé furu rafu non fustiya ini.
Nanfoan aton anu Sem non Cam non
Jafet ini.



Unfin Upa Diosin Facu fustiquin.
Ascafiashu nantifi yorafohuun fasi
noiquin ua nichini atohuunoashu un
nanon. Nan ua icoindra huafoti
omitsiscapatamarocon Upa
Dios fu ipasharanonfo.



Romanos 3:23 Manifoti anoafoan nantififain man non chaca huamisi. Upa Diosin noco imapaiyai cuscacai tsoa acoinmisima.

Romanos 6:23 Tsoa chaca ahuun ifono ahuunshon ato omitsiscapanacafo muran potashquin. Ascafia nocon Ifo Jesucristohuunshon Upa Diosin noco cashman numano non afu ipanon.

Hebreos 9:27 Ascan nantifi yorafo non nai futsushquin. Noncai nofiri yoitiroma ahuutianmain non naicain. Diosin fustiton yoitiro. Naashu nantifi non aqui nocoaiton niyoshon non amisi cuscan noco yoishquin. Noco yoiano nan Jesús icoindra huafoti afu ipasharatirofo. Nan icoindra huamisifoma ato omitsiscapanacafo muran potashquin.



Efesios 2:8,9 Asca afanan un mato yoi. Non ahudara shara huahuu rafanancai noco Diosin numaima non omitsiscapanonma. Diosin afi nocohuun ramapaicoishon noco cashman numai noco chaca soashoshquin. Ascan tsoacai iscatiroma, —Ufin Dios shara huamisiquin. Ascashufi un Dios fu ipatiroquin, —ishocai tsoan anori yoitiroma. Ascatama non Jesús icoinra huaiton Upa Diosin noco numatiro non afu ipanon.

Romanos 10:9,10 Ascano, —Jesús uhuun lforan, —huafain man shinanquin isca huai, —Jesús nafiacun Apa Diosin funimaniran, —ishon maton nomuran man icoinra huaiton maton chaca soashotiro afu man ipanon. Ascan maton nomuranshon man icoinra huacun Upa Diosin maton chaca soashotiro man isharanon. Man futsafo, —Jesucristo uhuun lforan —ishon yoiaiton mato imapacunaca.



Juan 3:16,17 Unfin Upa Diosin Facu fustiquin. Ascafiashu nantifi yorafohuun fasi noiquin ua nichini atohuunoashu un nanon. Nan ua icoinra huafoti omitsiscapatamarocon Upa Dios fu ipasharanonfo. Ua mai ano nichini un ato onaintimatama un aton chaca soashonon uhuunoashu nipanonfo.

1 Juan 5:11-13 Isca huaquin Upa Diosin yoini, —Uhuun facuhuunshon un mato nimapacutiroran, —ishon yoini. Tsoa Furun fu rafuafin nipanacaquin. Ascafia tsoa Furun fu rafuamacai nipatiroma. Jesús Diospan Furun man icoinra huaa. Ascan un mato nanfo cunushoni man nipanaca man tapinon.



Génesis 3 – 6

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: M. Maillot; Tammy S.

Sharanahua Diospan Bible (mcd) © 2008, Wycliffe Bible
Translators, Inc. All rights reserved.

<https://www.bible.com/bible/522/GEN.1.MCD>

©2025 Bible for Children, Inc.

www.M1914.org

www.bibleforchildren.org

